




Republika e Kosovës

Republika Kosova-Republic of Kosovo

Qeveria - Vlada - Government

Ministria e Pushtetit Lokal

Ministarstvo za Lokalne Samouprave

Ministry of Local Government

Për :	Agim Aliu, Kryetar i Komunës së Ferizajt Kristina Gashi Bytyqi, Kryesuese e Kuvendit të Komunës së Ferizajt	
Kopje:	Njësisë për Administrimin e Dokumenteve në MPL Njësisë për administrimin e Dokumenteve në Komunë	
Përmes:	Goran Rakić, Zëvendës Kryeministër dhe Ministër i MPL-së Trim Berisha, zv. Sekretar i Përgjithshëm i MPL-së	
Nga:	Venera Çerkini, Udhëheqëse e Departamentit Ligjor dhe Monitorimit të Komunave, MPL	Datë: 02/12 /2020 Nr. 0-907
Zyrtarët përgjegjës:		
1. Zyrtari konfirmues i vlerësimit ligjor	Xhevat Tafa, Udhëheqës i Divizionit të Monitorimit	
2. Zyrtari hartues i vlerësimit ligjor	Driton Xhafa, Zyrtar për Monitorimin e Komunave	
Lënda:	Konfirmim i ligjshmërisë e aktit të komunës së Ferizajt	
Lloji i aktit:	Rregullore	

I/e nderuar Kryetar,
I/e nderuar Kryesues,

Në pajtim me Rregullores e QRK-së Nr. 10/2019 për Shqyrtimin administrativ të Akteve të Komunave, e në bazë të kompetencave ligjore të ministrisë të përcaktuara me ligjet bazike dhe Rregullore (QRK) nr. 06/2020 për Fushat e Përgjegjësitë Administrative të Zyrës së Kryeministrit dhe Ministrive, Departamenti Ligjor dhe Monitorim të Komunave i Ministrisë së Pushtetit Lokal ka pranuar për shqyrtim të detyrueshëm të ligjshmërisë ashtu siç parashihet me nenin 80 të Ligjit Nr.03/L-040 Për Vetëqeverisje Lokale aktin komunal në vijim:

Rregullore nr. 138 për organizimin, funksionimin dhe bashkëpunimin e komunës me fshatra, vendbanime dhe lagje urbane të komunës së Ferizajt
I miratuar më datë: 24.11.2020
I parashtruar për shqyrtim në MPL më datë: 25.11.2020

Ministria e Pushtetit Lokal, pas shqyrtimit të aktit të komunës si më sipër, vlerëson se akti i komunës në aspektin procedural është në pajtim me dispozitat e legjislacionit në fuqi dhe si i tillë mund të prodhojë efekte juridike. Ministria e Pushtetit Lokal mbetet në dispozicion të komunës për çfarëdo sqarimi të mëtejshëm në lidhje me këtë vlerësim.



Republika e Kosovës


Republika Kosovo - Republic of Kosovo

Qeveria - Vlada - Government

Ministria e Pushtetit Lokal

Ministarstvo Administracije Lokalne

Ministry of Local Government



Za:	Agim Aliu, gradonačelnik opštine Uroševac Kristina Gashi Bytyqi, predsedavajuća Skupštine opštine Uroševac	
Kopija:	Jedinici za administraciju dokumenata u MLS-u Jedinici za administraciju dokumenata u opštini	
Preko:	Goran Rakić, zamenik premijera i ministar MLS-a, Trim Berisha, zamenik generalnog sekretara MLS-a,	
Od:	Venera Çerkini, rukovodilac Pravnog odeljenja i monitorisanje opština, MALS	Dana, 02.12.2020. Br.020-907
Službenik-ca za utvrđivanje pravne procene:	Xhevat Tafa, rukovodilac Odseka za monitorisanje opština	
Službenik-ca za izradu pravne procene:	Driton Xhafa, službenik za monitorisanje opština	
Predmet:	Potvrda zakonitosti akta opštine Uroševac	
Vrsta akta:	Uredba Skupštine opštine	

Uvaženi gradonačelnice,

Uvažena predsedavajuća,

U saglasnosti sa uredbom Vlade Republike Kosova br. 10/2019 o administrativnom razmatranju opštinskih akata i na osnovu zakonskih ovlašćenja određenim osnovnim zakonima i uredbom Vlade br. 06/2020 o oblastima odgovornosti administrativne Kancelarije premijera i ministarstva, Pravno odeljenje i monitorisanje opština MLS-a, primilo je za obavezno razmatranje zakonitosti akta opštine kako je predviđeno članom 81. Zakona br.03/L-040 o lokalnoj samoupravi kao u nastavku:

Uredba br. 138 o organizovanju, funkcionisanju i saradnju opštine sa selima, naseljenim mestima i urabim naseljima
Usvojena dana, 24.11.2020.
Predložena na razmatranje u MLS-u dana, 25.11.2020.

Ministarstvo lokalne samouprave, nakon razmatranja sadržaja gore navedenog akta opštine, procenjuje da je opštinski akt iz proceduralnog aspekta u saglasnosti sa zakonskim odredbama zakonodavstva na snazi i kao takav može proizvesti pravni efekat.

Ministartstvo lokalne samouprave ostaje na raspolaganju opštini za dodatna objašnjenja u vezi sa ovom procenom.



REPUBLIKA E KOSOVËS • REPUBLIKA KOSOVA • REPUBLIC OF KOSOVO
KOMUNA E FERIZAJT • OPSTINA UROŠEVAC • MUNICIPALITY OF FERIZAJ



HYRËSE-ULAZN			
REPUBLIKA E KOSOVËS REPUBLIKA KOSOVA REPUBLIC OF KOSOVO			
VEVËRIA E KOSOVËS VELENA-KOSOVA GOVERNMENT OF KOSOVO			
Ministria e Administrimit të Pushtetit Lokal			
Ministerstvo Lokalne Samouprave i Administracije			
Ministry of Local Government Administration			
Data			
Datum			
Data			
Niveli organizativ	Nr. i Lëndës	Shtojca	Vendi
-VI-	0-307		

RREGULLORE
PËR ORGANIZIMIN, FUNKSIONIMIN DHE BASHKËPUNIMIN E KOMUNËS ME
FSHATRAT, VENDBANIMET DHE LAGJET URBANE NË KOMUNËN E FERIZAJT

Ferizaj,
Nëntor 2020

Në bazë të nenit 12.2 pika c dhe nenit 34.4 të Ligjit nr. 05./L-040 për vetëqeverisje lokale, Udhëzimit Administrativ nr. 02/2019 "Për organizimin, funksionimin dhe bashkëpunimin e komunave me fshatra, vendbanime dhe lagjet urbane" të Ministrisë së Administrimit të Pushtetit Lokal; nenit 10, pika 2.3 të Statutit të Komunës së Ferizajt; Kuvendi i Komunës së Ferizajt në mbledhjen e mbajtur miratoi:

**RREGULLOREN
PËR ORGANIZIMIN, FUNKSIONIMIN DHE BASHKËPUNIMIN E KOMUNËS ME
FSHATRA, VENDBANIMET DHE LAGJET URBANE NË KOMUNËN E FERIZAJT**

**Neni 1
Qëllimi**

Kjo rregullore, ka për qëllim që të rregullojë organizimin, funksionimin dhe bashkëpunimin e komunës me fshatrat, vendbanimet dhe lagjet urbane në territorin e Komunës së Ferizajt, themelimin e këshillave lokal, kompetencat dhe përgjegjësitë e tyre, duke i siguruar banorët e fshatrave, vendbanimeve dhe lagjeve urbane në realizimin e të drejtave, interesave dhe obligimeve të tyre, në shumë fusha të jetës dhe paraqitjes së organizuar në organet e Komunës.

**Neni 2
Fushëveprimi**

Kjo rregullore rregullon mënyrën e organizimit, funksionimit dhe bashkëpunimit mes komunës dhe fshatrave, vendbanimeve dhe lagjeve urbane duke formuar këshillat lokale si trupa mbështetës të organeve të komunës që ndikojnë në konsultime gjithëpërfshirëse, të cilat promovojnë dhe zhvillojnë transparencën, llogaridhënien dhe pjesëmarrjen e qytetarëve në proceset e vendimmarrjes.

**Neni 3
Numri i fshatrave, vendbanimeve dhe lagjeve urbane të Komunës**

1. Në Komunën e Ferizajt, vetëqeverisja lokale mund të ushtrohet në nivel të Bashkësisë vendore: në qytet si Lagje urbane dhe në fshatra si fshatra ose vendbanime, konform dispozitave ligjore dhe statutare.
2. Komuna e Ferizajt themelon 53 këshilla lokal të fshatrave, vendbanimeve dhe lagjeve urbane dhe do të paraqiten në listë të veçantë, shtojca nr. 1, që do të jetë pjesë përbërëse e kësaj rregulloreje.
3. Në pamundësi që në çdo fshat, vendbanim ose lagje urbane të zgjedhen këshillat, atëherë një këshill mund të përfshijë një e më tepër fshatra, vendbanime apo lagje urbane.

Neni 4
Formimi i komisionit nga Kuvendi i Komunës për zgjedhjen e këshillave lokale

1. Kuvendi i Komunës emëron një komision për të udhëhequr dhe koordinuar punën në teren në zgjedhjen e këshillave lokale. Kuvendi i Komunës emëron një komision prej 7 anëtarëve: 4 (katër) anëtarë nga Kuvendi i Komunës nga subjektet e ndryshme politike, 1 (një) nga ekzekutivi, 1 (një) anëtarë shoqëria civile dhe 1 (një) nga përfaqësuesit e fshatit, vendbanimit apo lagjes urbane që përcaktohet aty për aty nga tubimi dhe i cili njëkohësisht është bashkë-kryesues i tubimit.
2. Komisioni duhet të reflektoj përfaqësimin gjinor dhe etnik. Nga 7 anëtarët e Komisionit, të paktën 3 (dy) duhet të jenë femra. Përbërja e komisionit duhet të përfaqësojë përbërjen e subjekteve politike me numër më të madh të anëtarëve të përfaqësuar në Kuvendin e Komunës. Kryesuesi/ja i/e komisionit zgjidhet nga radhët e anëtarëve të komisionit përmes votimit të fshehtë.
3. Se paku 3 (tre) anëtarët të Komisionit të Kuvendit të Komunës duhet të jenë prezent në tubime me qytetarë.

Neni 5
Përgjegjësitë e Komisionit të Kuvendit të Komunës

1. Komisioni i emëruar nga Kuvendi i Komunës duhet të jetë përgjegjës për caktimin e periudhës kohore të mbajtjes së tubimeve me qytetarë, për zgjedhjen e anëtarëve të këshillave lokale dhe kryetarëve të këshillave lokale të fshatrave, vendbanimeve dhe lagjeve urbane.
2. Komisioni i emëruar nga Kuvendi i Komunës, nëpërmjet zyrës për informim, informon qytetarët 7 ditë para datës së mbajtjes së tubimit me qytetarë për zgjedhjen e këshillave lokale, përmes:
 - a. Shpalljeve publike të vendosura në objektet publike dhe vendet më të frekuentuara brenda territorit ku mbahen tubimet ku do të zgjedhën këshillat lokale;
 - b. Mediave lokale;
 - c. Ueb - faqes zyrtare të komunës; dhe
 - d. Rrjeteve sociale.
3. Njoftimi i publikut domosdo duhet të përmbajë:
 - a. Rendin e ditës;
 - b. Datën;
 - c. Kohën; dhe
 - d. Vendin e mbajtjes së tubimit.
4. Komisioni i raporton Kuvendit të Komunës për procesin zgjedhor.
5. Mandati i Komisionit përfundon me mandatin e Kuvendit të Komunës së Ferizajt.

Neni 6
Formimi i këshillave lokale

1. Këshilli lokal i fshatit, vendbanimit apo lagjes urbane do të ketë pesë (5) deri nëntë (9) anëtarë, varësisht nga numri i banorëve. Numri i saktë i anëtarëve për secilin këshill, përcaktohet nga vet banorët e fshatit, vendbanimit apo lagjes urbane që janë prezent në tubimin zgjedhor.
2. Këshilli duhet të përfshijë përfaqësimin e çdo fshati, vendbanimi apo lagje urbane. Përbërja e këshillave lokale duhet të reflektojë përbërjen etnike dhe gjinore. Përfaqësimi gjinor duhet të përfshijë minimum 30% të gjinisë femërore. Në rast se në fshat, vendbanim apo lagje urbane, jetojnë pjesëtarë të komuniteteve jo shumicë, duhet të jenë të përfaqësuar në këshillin lokal nëse marrin pjesë në tubimin zgjedhor.
3. Zgjedhja bëhet përmes votimit të fshehtë në tubimin me qytetarë. Të drejtë vote kanë të gjithë banorët e fshatit, vendbanimit apo lagjeve urbane përkatëse mbi moshën 18 vjeçare. Kandidatët për anëtarë të këshillave lokale duhet të jenë banorë të përhershëm në atë lokalitet.
4. Tubimin publik e hap njeri nga anëtarët e Komisionit të Kuvendit Komunal që e ndihmon në bashkë-kryesim përfaqësuesi/ja i/e fshatit, vendbanimit apo lagjes urbane që përcaktohet aty për aty, i/e cili/a njëkohësisht është edhe anëtar/e i/e Komisionit të Kuvendit Komunal.
5. Këshilli lokal i fshatit, vendbanimit apo lagjes urbane zgjedhet me mandat tre 4 vjeçar.

Neni 7
Kriteret e përzgjedhjes për këshilla lokale

- 1) Kandidatët për pozita të anëtarëve të këshillit lokal duhet të keni mbushur 18 vjet në ditën e organizimit të zgjedhjeve për themelimin e këshillave lokal, të jenë banorë të atij fshati, lagje, vendbani apo zonë urbane, si dhe të gëzojnë integritet të lartë moral dhe të kenë reputacion të mirë në komunitetin e tyre.
1. Kandidatët për pozita të anëtarëve të këshillit lokal apo kryetarëve/eve të këshillit lokal, nuk mund të kandidohen nëse janë të zgjedhur/a/ apo të emëruar/a në poste udhëheqëse në strukturat e subjekteve/partive politike.
2. Për anëtarë të këshillave lokale të fshatrave, vendbanimeve apo lagjeve urbane, zgjedhen kandidatët të cilët fitojnë numrin më të madh të votave nga numri i përgjithshëm i banorëve të fshatit, vendbanimit apo lagjes urbane që janë prezent në tubimin zgjedhor me ç'rast duhet të respektohet përfaqësimi gjinor/etnik në strukturën e këshillit. Në rast se dy ose më shumë kandidatë të kanë vota të barabarta, atëherë zhvillohet raundi i dytë i votimit. Kandidati/ja që fiton shumicën e votave zgjedhet anëtarë.
3. Për anëtarë të këshillave lokale të fshatrave, vendbanimeve apo lagjeve urbane, nuk lejohet të jenë më shumë se një anëtarë/e i/e familjes së ngushtë.

4. Kryetari/ja i/e këshillit lokal zgjedhet në mes të anëtarëve të këshillit lokal të fshatit, vendbanimit apo lagjes urbane, i cili fiton shumicën thjesht të votave të qytetarëve që marrin pjesë në atë votim.
5. Tubimet zgjedhore kanë legalitet dhe legjitimitet juridik, nëse në tubime janë të pranishëm si në vijim:
 - a. Në fshatra, vendbanime dhe lagje urbane ku numri i banorëve është deri 100, pjesëmarrja duhet të jetë së paku 11 banorë;
 - b. Në fshatra, vendbanime dhe lagje urbane ku numri i banorëve është nga 100 deri 300, pjesëmarrja duhet të jetë së paku 21 banorë;
 - c. Në fshatra, vendbanime dhe lagje urbane ku numri i banorëve është nga 300 deri 500, pjesëmarrja duhet të jetë së paku 31 banorë; dhe
 - d. Në fshatra, vendbanime dhe lagje urbane ku numri i banorëve është mbi 500, pjesëmarrja duhet të jetë së paku 41 banorë.

Neni 8

Ndërprerja dhe pushimi i mandatit të anëtarëve dhe kryetarëve/eve të këshillave lokale

1. Në rastet kur qytetarët konsiderojnë që ndonjë nga anëtarët ose kryetari/ja i/e këshillit lokal nuk i kanë përmbushë obligimet që dalin nga kjo rregullore, anëtari/ja dhe kryetari/ja i/e këshillit lokal mund të shkarkohen me shumicë (50 % plus 1 votë) të votave të banorëve të fshatit, vendbanimit apo lagjes urbane me të pranishëm në publik me qytetarë.
2. Në mënyrë që të bëhet ky votim, kërkohet një petition për ndërprerjen e mandatit që duhet të nënshkruhet nga banorët e fshatit, vendbanimit apo lagjes urbane. Ky petition duhet të mbledh nënshkrimet e më shumë se gjysmës së numrit të pjesëmarrësve nga takimi ku është zgjedhur këshilli lokal. Komuna, respektivisht Komisioni Komunal duhet të lajmërohet paraprakisht për një mbledhje të tillë.
3. Në rastet kur këshilli lokal shkarkohet si tërësi (anëtarët e këshillit dhe kryetari/ja), një votim i ri duhet menjëherë të bëhet në bazë të procedurave të nenit 6 dhe 7 të kësaj rregulloreje në mënyrë që të zgjedhet një këshill i ri lokal.

Neni 9

Përfundimi i mandatit dhe zëvendësimi i anëtarëve dhe kryetarëve/eve të këshillave lokale

1. Mandati i kryetarit/es, dhe anëtarëve të këshillave lokale përfundon:
 - a. Me kryerje të mandatit;
 - b. Nëse jep dorëheqje;
 - c. Nëse ndërron vendbanim;
 - d. Nëse shkarkohet;
 - e. Në rast se dënohet për veprë penale me një urdhër për burgim prej 6 muaj ose me tepër;

f. Nëse përfshihet në strukturat udhëheqëse të subjekteve/partive politike, dhe
g. Nëse vdes.

2. Në rast të humbjes së mandatit të kryetarit/es të këshillit, pozitën e kryetarit/es e fiton anëtari/ja i këshillit lokal me më së shumti vota në zgjedhje.

3. Zëvendësimi i anëtarëve të këshillave lokal në rastin e humbjes së mandatit apo zgjedhjes së tij/saj kryetar/e, e këshillit sipas paragrafit 2 të këtij neni, bëhet nga lista e pritjes me aprovimin e komisionit të kuvendit komunal brenda pesëmbëdhjetë (15) ditësh. Ndryshimet në përbërje të këshillave lokal duhet të publikohen në ueb faqen e komunës.

Neni 10

c

1. Për të gjitha tubimet me qytetarë, në lidhje me zgjedhjen dhe shkarkimin e këshillave lokal, mbahen procesverbalet.
2. Procesverbali nga tubimi me qytetarë përmban: emrat dhe mbiemrat e anëtarëve të komisionit komunal që udhëheqin dhe koordinojnë punën në terren për zgjedhjen e këshillave lokal, zyrtarëve komunalë, listën e pjesëmarrësve (qytetarëve) që kanë marrë pjesë në tubim duke përfshirë emrin, mbiemrin, numri e shtëpisë, numri telefonit dhe e-mail), të dhënat për zgjedhjen e këshillit lokal duke përfshirë emrat e kandidatëve, të dhënat për shkarkimin e këshillit lokal, procedurat e votimit, duke përfshirë emrat e kandidatëve dhe numrin e votave të mbledhura dhe çështjet tjera të nevojshme që duhet të shënohen në procesverbal.
3. Procesverbalin e mban një anëtarë i komisioni komunal, i cili organizon tubimin. Procesverbalin e nënshkruan kryesuesi i tubimit dhe procesmbajtësi, ndërsa komisioni sipas nenit 3 të kësaj rregulloreje, i raporton Kuvendit të Komunës për rrjedhën e tubimeve për zgjedhjen e këshillave të fshatrave, vendbanimeve dhe lagjeve urbane.
4. Procesverbali me të gjitha të dhënat e përmendura në paragrafin 3, të këtij neni, publikohet në ueb faqen e komunës menjëherë pas tubimit zgjedhor.

Neni 11

Konsultimet ndërmjet komunës dhe këshillave lokal

1. Kuvendi i Komunës dhe Kryetari i Komunës ftojnë përfaqësuesit e fshatrave, vendbanimeve dhe lagjeve urbane, që të marrin pjesë në tubimet publike me qytetarë, në dëgjimet publike për buxhet dhe aktet legjislative, tubimet e rregullta publike, takimet për planifikim strategjik që organizohen nga komuna përkatësisht Kuvendi i Komunës ose Kryetari.

2. Së paku kryetari/ja ose një anëtar/e i/e këshillit lokal të fshatit, vendbanimit apo lagjes urbane duhet të jetë i/e përfshirë në të gjitha grupet punuese komunale për hartimin e hartave zonale, dhe planeve zhvillimore dhe rurale që janë pjesë e lokalitetit ku ata jetojnë.
3. Kryetari/ja i/e Komunës duhet që së paku të organizojë dy takime në vit me udhëheqësit e këshillave lokale. Takimet duhet të mbahen së paku një herë në gjashtë muaj. Për rendin e ditës duhet të konsultohen edhe udhëheqësit e këshillave lokale.
4. Kuvendi i Komunës mund të kërkojë një opinion nga këshilli lokal i fshatit, vendbanimit apo lagjes urbane, në çështje të caktuara me interes për komunitetin.

Neni 12

Bartja e aktiviteteve nga komuna të këshillat lokale

1. Me kërkesën e këshillit lokal dhe propozimin e Kryetarit/es të Komunës, Kuvendi i Komunës me vendim mund të bartë disa detyra dhe përgjegjësi për t'i ushtruar këshillat lokale të fshatit, vendbanimit dhe lagjes urbane. Aktivitetet që mund të transferohen duhet të jenë në kompetencë ekskluzive vetanake të komunës.
2. Këshilli lokal i fshatit, vendbanimit dhe lagjes urbane duhet të konsultohet dhe pranojë bartjen e aktiviteteve nga komuna në këshillin lokal.
3. Në rast të bartjes së aktiviteteve nga komuna në këshillin lokal, komuna ofron mbështetje dhe burime të mjaftueshme për këshillat e fshatrave, vendbanimeve dhe lagjeve urbane me qëllim të përmbushjes së detyrave dhe përgjegjësi të bartura.

Neni 13

Roli, detyrat dhe përgjegjësitë e këshillave lokale

1. Këshilli lokal i fshatit, vendbanimit apo lagjes urbane duhet të takohet së paku 6 (gjashtë) herë brenda vitit për të shqyrtuar çështjet në interes të lokalitetit, si dhe harton dhe miraton planin e punës së këshillit dhe rregullat e brendshme të funksionimit.
2. Këshilli lokal i fshatit, vendbanimit apo lagjes urbane, organizon, përcjell dhe planifikon planet dhe programet zhvillimore të lokalitetit, në të gjitha sferat në bashkëpunim me Kuvendin e Komunës, Kryetarin e Komunës, komitetet dhe drejtoritë komunale.
3. Këshilli lokal i fshatit, vendbanimit apo lagjes urbane duhet ta informojë komunën për kohën dhe agjendën e takimeve. Zyrtarët komunal nga fushat përkatëse mund të marrin pjesë në takimet e organizuara nga këshillat lokale. Takimet e qytetarëve mund të organizohen me iniciativën e këshillit lokal të fshatit, vendbanimit apo lagjes urbane.

4. Këshilli lokal mund të ndërmarrë aktivitetet të cilat në veçanti ndikojnë në:
 - a. Zhvillimin lokal ekonomik të qëndrueshëm të lokalitetit;
 - b. Planifikimin urban dhe rural të lokalitetit;
 - c. Mbrojtjen e mjedisit lokal të lokalitetit;
 - d. Ndhomon në rritjen e efikasitetit në ofrimin e shërbimeve publike komunale brenda lokalitetit;
 - e. Siguron të dhënat elementare për çdo familje të lokalitetit përkatës, përcjell gjendjen e tyre ekonomike, sociale dhe jep rekomandime, propozime për mbështetje të këtyre rasteve;
 - f. Ndhomon në mirëmbajtjen e varrezave dhe hapësirave publike të gjelbëruara;
 - g. Zhvillimin e turizmit;
 - h. Organizimin e aktiviteteve kulturore dhe sportive;
 - i. Bashkëpunimin me organet e komunës dhe organizata të tjera të shoqërisë civile për çështjet me interes për lokalitetin;
 - j. Organizimin e aksioneve vullnetare në interes për lokalitetin; dhe
 - k. Zbaton aktivitetet që janë të bartura, sipas procedurave në nenin 12 të kësaj rregulloreje.
5. Këshillat lokale mund t'i parashtrojnë Kuvendit të Komunës dhe Kryetarit/es, pyetje me shkrim për çështje të ndryshme në interes të lokalitetit, dhe brenda afatit 30 ditësh organet e komunës duhet t'i përgjigjen këshillit lokal.

Neni 14

Roli i kryetarëve të këshillave lokale

1. Kryetari/ja i/e këshillit lokal përfaqëson fshatin, vendbanimin apo lagjen urbane në konsultimet dhe diskutimet me Kuvendin e Komunës dhe Kryetarin/en.
2. Kryetari/ja i/e këshillit lokal thërret dhe udhëheq mbledhjet e këshillit lokal dhe kujdeset për organizimin dhe punën e këshillit lokal. Po ashtu, ai/ajo nënshkruan konkluzionet e takimeve, propozimet dhe prioritetet e miratuara nga ana e këshillit lokal dhe është /e obliguar që në afat prej 15 ditëve nga dita e miratimit të tyre t'i dorëzojë të organet komunale, përmes Qendrës për Shërbim të Qytetarëve.

Neni 15

Financimi aktiviteteve

1. Financimi i aktiviteteve të këshillave lokale mund të bëhet nga vet banorët e fshatit, vendbanimit apo lagjes urbane, nga komuna, nga financimi i përbashkët si dhe nga donatorët, në pajtueshmëri të plotë me statutin, rregulloret komunale dhe legjislacionin e zbatueshëm në Republikën e Kosovës për menaxhim të financave publike.

2. Këshilli lokal bën raporte gjashtëmujore dhe vjetore të mjeteve të inkasuara, si dhe atyre të shpenzuara, dhe i bën ato transparente për qytetarët e atij lokaliteti si dhe për Kuvendin e Komunës dhe Kryetarin.

Neni 16 **Kompensimi i këshillave lokale**

1. Për punën e tyre kryetarët/et e këshillave lokale kompensohen nga buxheti i komunës.
2. Kompensimi për kryetarët e këshillave lokale duhet të jetë ekuivalente në shumën e anëtarëve të komiteteve obligative.
3. Kompensimi në pjesëmarrje në takime bëhet vetëm për 6 takime të këshillave lokale të mbajtura gjatë vitit kalendarik.
4. Kompensimi nënkupton që mjetet financiare të shfrytëzohen vetëm për nevoja të funksionimit të këshillit lokal.
5. Kompensimi i kryetarëve/eve të këshillave lokale duhet të përcaktohet me vendim të veçantë nga Kuvendi i Komunës

Neni 17 **Mos përmbushja e përgjegjësisë**

Për të gjitha aktivitetet e bartura në këshillin lokal nga organet e komunës, këshilli lokal i fshatit, vendbanimit dhe lagjes urbane përkatëse mbanë obligime dhe përgjegjësi ligjore.

Neni 18 **Dispozitat kalimtare, shfuqizuese dhe përfundimtare**

Në rast konflikti të dispozitave të kësaj rregulloreje me ligjin për vetëqeverisjen lokale dhe statutin e komunës, mbizotërojnë dispozitat e ligjit dhe statutit.

Neni 19 **Plotësimi/ndryshimi i rregullores**

Ndryshimet dhe plotësimet eventuale në këtë rregullore do të bëhen sipas procedurës së njëjte të aprovimit të kësaj rregulloreje.

Neni 20
Shfuqizimi

Me hyrjen në fuqi të kësaj rregulloreje, shfuqizohet rregullorja Nr.01/67/2012 për organizimin dhe bashkëpunimin e komunës me fshatra, vendbanime, dhe lagje urbane në territorin e komunës së Ferizajt si dhe plotësim/ndryshimi 01 Nr.40 i viti 2016.

Neni 21
Hyrja në fuqi

Pas miratimi nga Kuvendi i Komunës, kjo rregullore hyn në fuqi pesëmbëdhjetë (15) ditë pas regjistrimit në zyrën e protokollit të Ministrisë së Administrimit të Pushtetit Lokal si dhe pas publikimit në gazetën zyrtare në ueb-faqen e Komunës.

Kryesuesja e Kuvendit

Kristina Gashi Bytyçi

Shtojca I

LISTA E KËSHILLAVE TË QENDRES URBANE, DHE FSHATRAVE,
VENDBANIMEVE - NË TERRITORIN E KOMUNËS SË FERIZAJT.

**LISTA E KËSHILLAVE TË QENDRËS URBANE DHE FSHATRAVE,
VENDBANIMEVE – NË TERRITORIN E KOMUNËS SË FERIZAJT**

NR	KËSHILLI I QENDRËS URBANE NË QYTET
1.	Qendra e cila kufizohet me: Rr. "Liman Reka", "Fehmi "Agani" dhe "At Nikë Prela" në jug; Rr. e "Tiranës", "Gëzim Sahiti", "Enver Hadri", "Mic Sokoli", "Xhevë Lladrovci", "Cen Dugolli" në lindje; Rr. "Driton Islami" rrugicën afër "Nera Impeksit" në veri. Dhe jazi afër shkollës normale rrugët "Uran Tinova", "Hoxhë Kadri Prishtina", "Ahmet Hoxha", "Imri Halili" në perëndim.
2.	Kjo zonë kufizohet me: Rr. Vëllezërit Gërvalla" në jug; Rr. "Mic Sokoli", "Xhevë Lladrovci", "Cen Dugolli", në perëndim. Rr. "Driton Islami" në veri; Dhe kufiri i zonës urbane sipas PZHU në lindje. Të bëhet përkufizimi i saktë i pjesës së qytetit.
3.	Kjo zonë Kufizohet me: Rr. "Drilon Islami" në jug me magjistrale Prishtinë-Shkup në lindje. Me kufirin e zonës urbane sipas PZHU në veri dhe rrugën Ferizaj-Shtime në perëndim.
4.	Kjo zonë kufizohet me: Rr."Epopeja e Jezercit", "Ismet Ramadani" në jug; Rr. "Uran Tinova" rrugicën afër "Nera Impeksit", Rr. Ferizaj – Shtime në lindje, me jazin afër shkollës Normale në veri dhe kufirin e zonës urbane sipas PZHU në perëndim.
5.	Kjo zonë kufizohet me: Kufirin e zonës urbane sipas PZHU në jug; Rr. "Enver Topalli" në lindje; Rr. "Hoxhë Kadri Prishtina", "Ahmet Hoxha" në veri dhe Kufirin e zonës urbane sipas PZHU në perëndim.
6.	Kjo zonë kufizohet me: Kufirin e zonës urbane sipas PZHU në jug; Hekurudhën Ferizaj Hani i Elezit në lindje; Rr."Ahmet hoxha" dhe "Liman Reka" në veri dhe Rr." Enver Topalli" në perëndim.
7.	Kjo zonë kufizohet me: Rr. "Fehmi Agani", "Nikë Prela" dhe Rr. "Rexhep Bislimi" në veri; Kufirin e zonës urbane sipas PZHU në jug-lindje dhe

	Me hekurudhën Ferizaj-Han i Elezit në jug-perëndim.
8.	Kjo zonë kufizohet me: Rr."Rexhep Bislimi" në jug; Rrugët "Tiranës", "Gëzim Sahiti", "Enver Hadri " në perëndim; Rrugët "Vëllezërit Gervalla", Rrugën Ferizaj - Rahovicë në veri; Kufiri i zonës urbane sipas PZHU në lindje.
NR	KËSHILLI I FSHATRAVE - VENDBANIMEVE
1.	Bablak
2.	Babush
3.	Balaj
4.	Bibaj
5.	Burnik
6.	Cërnilë
7.	Doganaj
8.	Dremjak
9.	Dardani
10.	Dubravë
11.	Gaçkë
12.	Gurëz
13.	Greme
14.	Jezerc
15.	Komogllavë
16.	Koshsare
17.	Kosinë
18.	Lloshkobare
19.	INikadin
20.	Neredime e Epërme
21.	Nerodime e Poshtme
22.	Mirash
23.	Muhoc
24.	Manastirc
25.	Mirosalë
26.	Papaz
27.	Pleshinë e Epërme
28.	Pleshinë e Poshtme
29.	Pojatë
30.	Prelez i Jerlive
31.	Prelez i Muhaxherëve
32.	Rahovicë
33.	Rakaj
34.	Sazli
35.	Slivovë
36.	Softaj

37.	Sojevë
38.	Surqinë
39.	Fshati i Vjetër
40.	Talinoc i Jerlive
41.	Talinoc i Muhaxherëve
42.	Tëm
43.	Varosh
44.	Zllatar
45.	Zaskok